	<b>ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ</b>		<b>POLICY 09#6</b>	
	<b>«ԱԿԲԱ ԲԱՆԿ» ԲԲԸ ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅՈՒՆ</b>		<i>Հաստատման ամսաթիվ 25/02/21</i>	<i>Խմբագրություն 11</i>

## ՆՊԱՏԱԿԸ

«ԱԿԲԱ ԲԱՆԿ» ԲԲԸ շահութաբաժնային քաղաքականության (այսուհետ՝ Շահութաբաժնային քաղաքականություն) նպատակն է սահմանել Շահութաբաժնային քաղաքականության սկզբունքները, «ԱԿԲԱ ԲԱՆԿ» ԲԲԸ (այսուհետ՝ Բանկ) բաժնետոմսերի դիմաց շահութաբաժինների վճարման պայմանները, շահութաբաժինների հաշվարկման և վճարման կարգը, այդ թվում՝ վճարման ժամկետները և ձևը: Շահութաբաժնային քաղաքականությունը մշակված է՝ համաձայն ՀՀ օրենսդրության և Բանկի կանոնադրության:

## ԿԻՐԱՌՄԱՆ ՇՐՋԱՆԱԿԸ

Շահութաբաժնային քաղաքականությունը կիրառվում է Բանկի կառավարման մարմինների և շահագրգիռ այլ անձանց կողմից:

## ԱՌՆՉՎՈՂ ՓԱՍՏԱԹՂԹԵՐ

## ՍԱՀՄԱՆՈՒՄՆԵՐ ԵՎ ՀԱՍԿԱՑՈՒԹՅՈՒՆՆԵՐ

### ԳԼՈՒԽ 1. ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅԱՆ ՍԿԶԲՈՒՆՔՆԵՐԸ

1.1. Շահութաբաժնային քաղաքականությունն իրենից ներկայացնում է Բանկի շահույթի կառավարման ընդհանուր քաղաքականության մի մասը:

1.2. Շահութաբաժնային քաղաքականությունը հիմնվում է Բանկի շահութաբաժինների չափերը որոշելիս՝ Բանկի ֆինանսական կայունության, կապիտալացման և իրացվելիության բարձրացման, Բանկի և նրա բաժնետերերի շահերի հավասարակշռվածության, ներդրված կապիտալի շահութաբերության ապահովման, բաժնետերերի իրավունքների պաշտպանության և նրանց բարեկեցության բարձրացման վրա:

1.3. Շահութաբաժինների վճարման մասին որոշման ընդունումը Բանկի բաժնետերերի ընդհանուր ժողովի (այսուհետ՝ Ընդհանուր ժողով) իրավասությունն է:

1.4. Շահութաբաժինների վճարման և դրանց չափերի մասին որոշում ընդունելու դեպքում հաշվի են առնվում Բանկի իրացվելիության ու վճարունակության ընթացիկ և կանխատեսվող մակարդակները, առնվազն առաջիկա մեկ տարվա ծրագրերը և դրանց իրականացման համար անհրաժեշտ ֆինանսական միջոցները:

1.5. Սույն փաստաթղթի 4-րդ գլխում նշված սահմանափակումների բացակայության դեպքում, Ընդհանուր ժողովի որոշման հիման վրա, Բանկը պարտավոր է ժամանակին և ամբողջությամբ վճարել հայտարարված շահութաբաժինները: Բանկը պատասխանատվություն է կրում բաժնետերերի առջև նշված պարտավորությունը չկատարելու համար՝ համաձայն ՀՀ գործող օրենսդրության:

### ԳԼՈՒԽ 2. ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ՊԱՅՄԱՆՆԵՐԸ


2.1. Բանկի բաժնետերերին շահութաբաժինների վճարման պայմաններն են՝

ա) Բանկում զուտ շահույթի առկայությունը, որը ստացվել է նախորդ ֆինանսական ժամանակաշրջանի արդյունքներով,

բ) շահութաբաժինների վճարման՝ սույն փաստաթղթի 4-րդ գլխով նախատեսված սահմանափակումների բացակայությունը,

գ) Բանկի խորհրդի որոշման առկայությունը, որը պարունակում է շահութաբաժինների չափերի և դրանց վճարման կարգի մասին առաջարկություն,

դ) ֆինանսական ժամանակաշրջանի արդյունքներով առաջացած շահութաբաժինների վճարման (հայտարարման) մասին Ընդհանուր ժողովի որոշման առկայությունը:

	<b>ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ</b>	<b>POLICY 09#6</b>		
	<b>«ԱԿԲԱ ԲԱՆԿ» ԲԲԸ ՇԱՀՈՒԹԱԲԱԺԻՆԱՅԻՆ ՔԱՂԱՔԱԿԱՆՈՒԹՅՈՒՆ</b>	<i>Հաստատման ամսաթիվ 25/02/21</i>	<i>Խմբագրություն 11</i>	<i>էջ 2/5</i>

2.2. Սույն փաստաթղթի իմաստով ֆինանսական ժամանակաշրջան է համարվում այն ժամանակաշրջանը, որի համար վճարվում են շահութաբաժինները:

### ԳԼՈՒԽ 3. ՇԱՀՈՒԹԱԲԱԺԻՆՆԵՐԻ ՉԱՓԵՐԻ ՈՐՈՇՈՒՄԸ

3.1. Շահութաբաժինները կազմում են Բանկի շահույթի մի մասը: Շահութաբաժիններն արտահայտվում են մեկ բաժնետոմսին ընկնող դրամական գումարով:

3.2. Համաձայն ՀՀ գործող օրենսդրության՝ Բանկի բաժնետերերին շահութաբաժինները վճարվում են շահույթից՝ հարկերը վճարելուց հետո (զուտ շահույթ), որը հաշվարկվում է բանկերի՝ օրենսդրության պահանջներին համապատասխան կազմված ֆինանսական հաշվետվությունների հիման վրա:

3.3. Նախորդ ֆինանսական ժամանակաշրջանի արդյունքներով մեկ հասարակ բաժնետոմսին ընկնող շահութաբաժնի չափը որոշվում է՝ որպես հասարակ բաժնետոմսերի գծով վճարվող շահութաբաժինների գումարի և Բանկի կողմից տեղաբաշխված հասարակ բաժնետոմսերի քանակի (շահութաբաժիններ ստանալու իրավունք ունեցող անձանց ցուցակը կազմելու օրվա դրությամբ) հարաբերություն: Այն հաշվարկվում է հետևյալ բանաձևով.

$$C_{\text{մ}} = C_{\text{ը}} / P_{\text{հբ}}$$

որտեղ՝  $C_{\text{մ}}$  - մեկ հասարակ բաժնետոմսին ընկնող շահութաբաժնի չափը,

$C_{\text{ը}}$  - տեղաբաշխված բոլոր հասարակ բաժնետոմսերի գծով վճարվող շահութաբաժինների ընդհանուր գումարը,

$P_{\text{հբ}}$  - Բանկի կողմից տեղաբաշխված բոլոր հասարակ բաժնետոմսերի ընդհանուր քանակը:

3.4. Բաժնետերերին վճարվող շահութաբաժինների ընդհանուր գումարը հաշվարկվում է հասարակ մեկ բաժնետոմսի շահութաբաժնի չափը բաժնետիրոջը պատկանող հասարակ բաժնետոմսերի քանակով բազմապատկելու միջոցով:

### ԳԼՈՒԽ 4. ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ՍԱՀՄԱՆԱՓԱԿՈՒՄՆԵՐԸ

4.1. Համաձայն ՀՀ գործող օրենսդրության՝ բաժնետերերին շահութաբաժիններ վճարելն արգելվում է, եթե այդ պահին Բանկի կրած կորուստները (վնասները) հավասար են Բանկի առկա չբաշխված զուտ շահույթի գումարին կամ գերազանցում են այն:

4.2. Կենտրոնական բանկը կարող է սահմանափակել Բանկի կողմից շահութաբաժիններ բաշխելը, այդ թվում՝ արտոնյալ բաժնետերերին կամ Բանկի այլ մասնակիցների այլ ձևով որևէ եկամուտներ (հատուցումներ) վճարելը, եթե՝

ա) շահութաբաժինների բաշխումը կհանգեցնի կամ կարող է հանգեցնել Բանկի ֆինանսական վիճակի վատթարացման, և/կամ

բ) շահութաբաժինների բաշխման հետևանքով Բանկը խախտում է կամ կարող է խախտել առնվազն մեկ տնտեսական նորմատիվ, և/(կամ


գ) Բանկը խախտել է կամ շահութաբաժինների բաշխման արդյունքում կխախտի հիմնական տնտեսական նորմատիվների սահմանաչափերից բարձր (ցածր) սահմանված շեմը (շեմերը):

4.3. Շահութաբաժինների բաշխումը սահմանափակելու կարգը սահմանում է Կենտրոնական բանկը:

4.4. Բանկը շահութաբաժինների վճարման մասին նախապես ծանուցում է Կենտրոնական բանկին: Ծանուցման կարգը և պայմանները սահմանում է Կենտրոնական բանկը:

### ԳԼՈՒԽ 5. ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ՄԱՍԻՆ ՈՐՈՇՈՒՄ ԸՆԴՈՒՆԵԼՈՒ ԿԱՐԳԸ ԵՎ ՎՃԱՐՄԱՆ ԺԱՄԿԵՏՆԵՐԸ

5.1. Համաձայն Բանկի կանոնադրության՝ Ընդհանուր ժողովն իրավունք ունի վճարել շահութա-

	<b>ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ</b>		<b>POLICY 09#6</b>	
	<b>«ԱԿԲԱ ԲԱՆԿ» ԲԲԸ ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅՈՒՆ</b>		<i>Հաստատման ամսաթիվ 25/02/21</i>	<i>Խմբագրություն 11</i>

բաժիններ՝ բացառապես տարեկան արդյունքներով:

5.2. Ընդհանուր ժողովը տարեկան շահութաբաժինների վճարման, շահութաբաժնի չափի և դրա վճարման ձևի մասին որոշումն ընդունում է Բանկի խորհրդի առաջարկությամբ:

5.3. Ընդհանուր ժողովն իրավունք ունի ընդունել որոշում շահութաբաժիններ չվճարելու մասին:

5.4. Տարեկան շահութաբաժինների վճարման ժամկետը սահմանվում է Ընդհանուր ժողովի՝ շահութաբաժիններ վճարելու մասին որոշմամբ:

5.5. Շահութաբաժիններ վճարելիս ոչ մի բաժնետեր վճարման ժամկետների առումով առավելություն չունի:

5.6. Ընդհանուր ժողովի որոշմամբ սահմանված ժամկետներում շահութաբաժիններ չվճարվելու դեպքում դրանք կուտակվում և վճարվում են հետագայում՝ բաժնետիրոջ առաջին իսկ պահանջով:

## ԳԼՈՒԽ 6. ՇԱՀՈՒԹԱԲԱԺՆՆԵՐԻ ՎՃԱՐՄԱՆ ԿԱՐԳԸ

6.1. Շահութաբաժինների յուրաքանչյուր վճարման համար Բանկի խորհուրդը կազմում է շահութաբաժիններ ստանալու իրավունք ունեցող բաժնետերերի ցուցակ, որում պետք է ներառվեն Բանկի այն բաժնետերերը, որոնք ընդգրկվել են Բանկի բաժնետերերի ռեեստրում՝ Ընդհանուր ժողովին մասնակցելու իրավունք ունեցող բաժնետերերի ցուցակը կազմելու օրվա դրությամբ:

6.2. Բանկն իր գործունեության ֆինանսական արդյունքներն ամփոփելուց հետո՝ կարող է տեղաբաշխված բաժնետոմսերի անվանական արժեքի մեծացման միջոցով ավելացնել կանոնադրական հիմնադրամը՝ շահույթի մի մասը փոխանցելով կանոնադրական հիմնադրամ:

6.3. Բանկի կողմից հայտարարված շահութաբաժինները վճարվում են ՀՀ դրամով:

6.4. Բանկի բաժնետերերին շահութաբաժինները վճարվում են կանխիկ կամ անկանխիկ ձևով գումարները նրանց բանկային հաշիվներին փոխանցելու միջոցով:

6.5. Ֆիզիկական կամ իրավաբանական անձ հանդիսացող բաժնետիրոջը շահութաբաժնի վճարում է համարվում Բանկի հաշվից համապատասխան դրամական գումարի կանխիկ ստացումը՝ բաժնետիրոջ կողմից անձը հաստատող փաստաթղթի ներկայացմամբ կամ այդ գումարի փոխանցումը բաժնետիրոջ բանկային հաշիվ՝ ըստ բաժնետիրոջ բանկային վավերապայմանների, որոնք գրանցված են Կենտրոնական դեպոզիտարիայում:


6.6. Բանկը և նրա պաշտոնատար անձինք պատասխանատվություն չեն կրում այն բաժնետերերի շահութաբաժիններ չվճարելու համար, որոնք ժամանակին Կենտրոնական դեպոզիտարիային և Բանկին չեն ներկայացրել ճշգրիտ բանկային վավերապայմաններ:

6.7. Այն դեպքում, երբ բաժնետերը շահութաբաժինները ստանալու համար սխալ է ներկայացրել իր բանկային վավերապայմանները, Բանկը բաժնետիրոջը պատճառված վնասների համար պատասխանատվություն չի կրում: Սույն կետում նշված պատճառներով բաժնետիրոջ մեղքով ոչ ճիշտ փոխանցված շահութաբաժինները Բանկին հետ վերադարձնելուց հետո, ճշգրտված վավերապայմաններով կատարվում է դրանց կրկնակի փոխանցում բաժնետիրոջը՝ այն փաստաթղթերի հիման վրա, որոնք բաժնետերը Բանկին ներկայացրել է գրավոր ձևով՝ հանած փոխանցված գումարի հետ վերադարձման և կրկնակի փոխանցման վրա կատարված ծախսերը:

6.8. Շահութաբաժիններ չեն վճարվում Բանկի կողմից հետգնված սեփական բաժնետոմսերի դիմաց:

6.9. Բաժնետերերին շահութաբաժինները վճարվում են՝ դրանցից ՀՀ գործող օրենսդրությամբ սահմանված հարկերը նվազեցնելուց հետո:


6.10. Համաձայն ՀՀ գործող օրենսդրության՝ Բանկը հանդիսանում է հարկային գործակալ՝ բաժնետերերին իրենց բաժնետոմսերի դիմաց շահութաբաժիններ վճարելիս:

	<b>ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ</b>	<b>POLICY 09#6</b>		
	<b>«ԱԿԲԱ ԲԱՆԿ» ԲԲԸ ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅՈՒՆ</b>	<i>Հաստատման ամսաթիվ 25/02/21</i>	<i>Խմբագրություն 11</i>	<i>էջ 4/5</i>

### ԳԼՈՒԽ 7. ԱՆՑՈՒՄԱՅԻՆ ԴՐՈՒՅԹՆԵՐ

7.1. Սույն փաստաթուղթն ուժի մեջ է մտնում 2021 թվականի մարտի 12-ից:

7.2. Սույն փաստաթուղթն ուժի մեջ մտնելու օրվանից ուժը կորցրած է ճանաչվում Բանկի խորհրդի 27.02.2020թ. հաստատած «ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ շահութաբաժնային քաղաքականությունը:

	<b>ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ</b>	<b>POLICY 09#6</b>		
	<b>«ԱԿԲԱ ԲԱՆԿ» ԲԲԸ ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅՈՒՆ</b>	<i>Հաստատման ամսաթիվ 25/02/21</i>	<i>Խմբագրություն 11</i>	<i>էջ 5/5</i>

ՀԱՄԱՁԱՅՆԵՑՎԵՑ	ՀԱՍՏԱՏԵՑ
<b>Գլխավոր գործադիր տնօրեն</b>  <b>Հ. Անդրեասյան</b>	<b>Խորհրդի նախագահ</b>  <b>25.02.2021թ.</b>  <b>Մ. Հարությունյան</b>

ԿԱԶՄԵՑ
<b>Մեթոդաբանության բաժնի պետ</b>  <b>Ս. Իրիցյան</b>